

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", broj: 17/00, 1/05, 11/06 i 13/11), a u vezi sa članom 29. i 31. Zakona o izvršenju Budžeta Tuzlanskog kantona za 2012. godinu ("Službene novine Tuzlanskog kantona", broj: 3/12), Vlada Tuzlanskog kantona na sjednici održanoj dana 19.11.2012. godine, d o n o s i

O D L U K U
o utvrđivanju uslova, kriterija i postupka za raspodjelu sredstava
sa potrošačke jedinice 11010024 – subvencioniranje kamata za stambeno zbrinjavanje mladih

Član 1.
(Predmet)

Ovom odlukom utvrđuju se uslovi, kriteriji i postupak raspodjele sredstava sa potrošačke jedinice 11010024 – subvencioniranje kamata za stambeno zbrinjavanje mladih.

Član 2.
(Visina sredstava za raspodjelu)

Raspodjela sredstava za subvencioniranje kamata za stambeno zbrinjavanje mladih vršit će se iz Budžeta Tuzlanskog kantona za 2012. godinu i u skladu sa Zakonom o izvršenju Budžeta Tuzlanskog kantona za 2012. godinu u ukupnom iznosu do 50.000,00 KM.

Član 3.
(Definisanje pojmova)

(1) Pod subvencioniranjem kamata podrazumijeva se odobravanje novčanih sredstava na ime kamata za odobrene kredite za rješavanje stambenih potreba mladih.

(2) Pod rješavanjem stambenih potreba mladih podrazumijeva se kupovina stana/kuće, rekonstrukcija, adaptacija stambenog prostora, izgradnja kuće ili nadziđivanje kolektivnog stambenog objekta.

(3) Članovima porodičnog domaćinstva u smislu ove odluke smatraju se bračni pratner, vanbračni partner (shodno odredbi člana 3. Porodičnog zakona Federacije Bosne i Hercegovine), djeca rođena u braku i van braka, usvojenici i pastorčad.

(4) Invalidom odnosno članom porodice šehida, poginulog, umrlog, nestalog branioca i umrlog ratnog vojnog invalida u smislu ove odluke smatra se aktivni korisnik prava na invalidninu, na osnovu konačnog rješenja nadležnog organa izdatog u skladu sa važećim federalnim propisima.

(5) Dobitnikom ratnog priznanja i odlikovanja u smislu ove odluke smatra se lice iz člana 2. Zakona o posebnim pravima dobitnika ratnih priznanja i odlikovanja i članova njihove porodice („Službene novine Federacije Bosne i Hercegovine“ broj: 70/05).

Član 4.
(Javni poziv)

(1) Sredstva za subvencioniranje kamata za stambeno zbrinjavanje mladih dodjeljuju se na osnovu javnog poziva.

(2) Javni poziv se objavljuje u dnevnim novinama, Radio-televiziji Tuzlanskog kantona i na zvaničnoj web stranici Vlade Tuzlanskog kantona (u daljem tekstu: Vlada).

(3) Prijave na javni poziv za raspodjelu sredstava se dostavljaju u roku od 15 dana od dana objavljivanja u dnevnim novinama.

(4) Prijava za subvencioniranje kamata podnosi se Savjetu za nevladin sektor i pitanja mladih Vlade Tuzlanskog kantona (u daljem tekstu: Savjet).

(5) Podnosilac prijave obavezan je uz prijavu dostaviti dokumentaciju navedenu u Prilogu popisa potrebne dokumentacije koji je sastavni dio ove odluke, u originalu ili ovjerenoj fotokopiji.

(6) Nepotpune i neblagovremene prijave neće se uzimati u razmatranje.

Član 5.
(Uslovi)

- (1) Uslovi koje podnosilac prijave za dodjelu sredstava mora ispunjavati su:
- a) da ima manje od navršenih 35 godina života u godini u kojoj podnosi prijavu,
 - b) da je državljanin Bosne i Hercegovine,
 - c) da ima mjesto prebivališta na području Tuzlanskog kantona,
 - d) da nema riješeno stambeno pitanje na teritoriji Bosne i Hercegovine,
 - e) da posjeduje Ugovor sa bankom o namjenskom kreditu za stambeno zbrinjavanje,
 - f) da do momenta podnošenja prijave ima urednu otplatu kredita prema Planu otplate
 - g) da u predhodnim godinama nije bio korisnik sredstava za subvencioniranje kamata za stambeno zbrinjavanje mladih.

Član 6.
(Kriteriji za bodovanje)

Kriteriji za bodovanje i utvrđivanje reda prvenstva podnosioca prijave su:

- a) stručna sprema,
- b) priznati uspjesi u oblasti nauke, umjetnosti, sporta i kulture,
- c) status po osnovu boračko invalidske i socijalne zaštite, i to:
 - 1) član porodice šehida, poginulog, umrlog, nestalog borca i umrlog ratnog vojnog invalida,
 - 2) stepen invalidnosti,
 - 3) dobitnici ratnih priznanja i odlikovanja,
 - 4) učešće u oružanim snagama,
- d) broj članova porodičnog domaćinstva,
- e) zajednička prijava bračnih partnera.

Član 7.
(Bodovi po osnovu stručne spreme)

- (1) Bodovi po osnovu stručne spreme ostvaruju se na slijedeći način:
- a) doktor nauka ili završen treći ciklus visokog obrazovanja20 bodova,
 - b) magistar nauka18 bodova,
 - c) magistar specijalist ili završen drugi ciklus visokog obrazovanja16 bodova,
 - d) visoka stručna sprema ili završen prvi ciklus visokog obrazovanja u četvorogodišnjem trajanju sa ostvarenih 240 ECTS bodova14 bodova,
 - e) viša školska sprema ili završen prvi ciklus visokog obrazovanja u trogodišnjem trajanju sa ostvarenih 180 ECTS bodova12 bodova,
 - f) V stepen stručne spreme8 bodova,
 - g) srednja stručna sprema u četvorogodišnjem trajanju6 bodova,
 - h) srednja stručna sprema u trogodišnjem trajanju 5 bodova.
- (2) U okviru kategorije stručna sprema, podnosilac prijave može ostvariti i dodatne bodove po osnovu školskih priznanja i to:
- a) učenik generacije srednje škole.....1,5 bodova,
 - b) najviše priznanje univerziteta/Zlatna plaketa univerziteta.....1,5 bodova.
- (3) Podnosilac prijave može ostvariti bodove samo po jednom od osnova iz stava (1) ovog člana.
- (4) Ukoliko je podnosilac prijave ostvario bodove iz stava (2) ovoga člana, isti se dodaju bodovima ostvarenim po osnovu iz stava (1) ovoga člana.

Član 8.

(Bodovi po osnovu priznatih uspjeha u oblasti nauke, umjetnosti, sporta i kulture)

(1) Bodovi po osnovu priznatih uspjeha u oblasti nauke, umjetnosti, sporta i kulture ostvaruju se na slijedeći način:

- a) dobitnik svjetskih renomiranih priznanja i nagrada u oblasti nauke, umjetnosti, i sporta20 bodova,
 - 1) osvojeno prvo mjesto/nagrada5 bodova(broj bodova ostvaren po ovom osnovu dodaje se bodovima ostvarenim po osnovu iz tačke a) ovog stava),
- b) doprinos kroz patente dokazane ili certificirane od strane ovlaštenih institucija i doprinos u nauci, tehnici i tehnologiji kroz inovacije dokazane ili certificirane od ovlaštenih institucija.....20 bodova,
- c) dobitnik evropskih renomiranih priznanja i nagrada u oblasti nauke, umjetnosti i sporta15 bodova,
 - 1) osvojeno prvo mjesto/nagrada2 boda(broj bodova ostvaren po ovom osnovu dodaje se bodovima ostvarenim po osnovu iz tačke c) ovog stava).
- d) dobitnik renomiranih priznanja u državnim okvirima u oblasti nauke, umjetnosti i sporta10 bodova,
 - 1) osvojeno prvo mjesto/nagrada.....1 bod(broj bodova ostvaren po ovom osnovu dodaje se bodovima ostvarenim po osnovu iz tačke d) ovog stava).
- e) objavljen udžbenik, odobren od nadležnih institucija za upotrebu u obrazovnim ustanovama:

- 1) samostalno 5 bodova,
- 2) koautorstvo 2 boda.

(2) maksimalan broj bodova koji podnosilac prijave može ostvariti po osnovu iz stava (1) tačka e) ovog člana iznosi 10 bodova.

(3) Pod renomiranim priznanjima i nagradama u oblasti sporta, u smislu ove odluke, podrazumijevaju se osvojena 1, 2. ili 3. mjesta na Olimpijskim ili Paraolimpijskim igrama, zvaničnim svjetskim ili evropskim prvenstvima organizovanim od strane krovnih međunarodnih asocijacija u odgovarajućoj oblasti sporta, te osvojeno 1, 2. ili 3. mjesto na zvaničnim međunarodnim i državnim takmičenjima organizovanim od strane međunarodnih i državnih saveza članica Međunarodnog olimpijskog komiteta ili Sport Accorda.

Član 9.

(Bodovi po osnovu statusa boračko invalidske i socijalne zaštite)

Bodovi po osnovu statusa boračko invalidske i socijalne zaštite ostvaruju se na slijedeći način:

- a) član porodice šehida, poginulog, umrlog, nestalog branioca i umrlog ratnog vojnog invalida.....10 bodova,
- b) stepen invalidnosti
 - 1) za invalide sa 60% invaliditeta5 bodova,
 - 2) za svakih narednih 10% invaliditeta dodaje se5 bodova,
- c) dobitnici ratnog priznanja i odlikovanja10 bodova,
- d) učešće u oružanim snagama RBiH
 - 1) branilac koji je stupio u Oružane snage RBiH od 18.09. 1991. godine do 31.12. 1992. godine (dobrovoljac i veteran) i ostao neprekidno do 23.12. 1995. godine10 bodova,
 - 2) za svaku godinu učešća u Oružanim snagama RBiH2 boda,
 - 3) za svaku nepunu godinu učešća u Oružanim snagama RBiH, pod uslovom da to iznosi najmanje tri mjeseca1 bod.

Član 10.

(Bodovi po osnovu broja članova porodičnog domaćinstva)

Za svakog člana porodičnog domaćinstva, uključujući podnosioca prijave3 boda.

Član 11.

(Zajednička prijava bračnih partnera)

- (1) Bračni partneri mogu se javiti na javni poziv isključivo zajedničkom prijavom.
- (2) U slučaju da oba bračna partnera posjeduju ugovor o kreditu, potrebno je odrediti nosioca prijave i o istom dostaviti izjavu potpisanu od strane oba bračna partnera.
- (3) Nosioc prijave obavezno i za bračnog partnera dostavlja dokumentaciju o ispunjavanju uslova propisanih ovom odlukom, osim dokumentacije iz člana 5. stav (1) tačka f) ove odluke.
- (4) Broju bodova koje ostvari nosilac prijave dodaje se jedna trećina bodova koje ostvari njegov bračni partner.

Član 12.

(Dodjela sredstava i utvrđivanje reda prvenstva)

- (1) Dodjela sredstava vršit će se po utvrđenoj rang listi do visine raspoloživih sredstava planiranih u Budžetu Tuzlanskog kantona za 2012. godinu.
- (2) Pojedinačni iznos sredstava na ime subvencioniranja kamata jednak je ukupnom iznosu kamate obračunate u 12 uzastopnih mjesečnih rata prema Planu otplate, počev od 01.01.2013. godine, s tim da pojedinačni iznos sredstava ne može preći iznos od 3.000,00 KM.
- (3) U slučaju jednakog broja bodova prednost na rang listi se daje podnosiocu prijave koji je ostvario veći broj bodova prema redoslijedu kriterija iz člana 6. ove odluke.

Član 13.

(Postupak dodjele sredstava)

- (1) Savjet po prijemu prijave provjerava da li podnosilac prijave ispunjava uslove propisane članom 5. ove odluke.
- (2) Savjet vrši bodovanje prijava podnosilaca koje ispunjavaju uslove po svakom od kriterija za bodovanje utvrđenih članom 6. ove Odluke, sačinjava i dostavlja Vladi prijedlog Rang liste kandidata (podnosilaca prijave) za raspodjelu sredstava.

Član 14.

(Realizacija sredstava)

- (1) Korisnik sredstava iz Programa raspodjele sredstava će Savjetu dostavljati dokaz o uplati rate (glavnice i kamate) za svaka tri mjeseca, nakon čega će Vlada dati nalog za uplatu novčanih sredstava na račun korisnika sredstava u visini naznačene tromjesečne kamate.
- (2) Subvencioniranje kamate će se realizovati samo po urednoj uplati glavnice rate za koju se vrši subvencija.

Član 15.

(Završne odredbe)

Ova odluka stupa na snagu danom donošenja, a objavit će se u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
VLADA

PREMIJER KANTONA

Sead Čaušević

Broj: 02/1- _____
Tuzla, _____ .2012. godine

PRILOG
POPIS POTREBNE DOKUMENTACIJE
UZ ZAHTJEV ZA DODJELU SREDSTAVA SA POTROŠAČKE JEDINICE 11010024 – SUBVENCIONIRANJE
KAMATA ZA STAMBENO ZBRINJAVANJE MLADIH

OBAVEZNA DOKUMENTACIJA

Redni broj:	Naziv dokumenta	Nadležni organ/Institucija
1.	CIPS obrazac PBA 3	Ministarstvo unutrašnjih poslova
2.	Izjava podnosioca prijave da on ili članovi porodičnog domaćinstva nisu nosioci stanarskog prava, vlasnici stana ili useljive porodične kuće na teritoriji Bosne i Hercegovine do dana zaključnja ugovora o kreditu za stambeno zbrinjavanje	Ovjera izvršena od strane nadležne općinske službe ili notara
3.	Ugovor sa bankom o namjenskom kreditu za stambeno zbrinjavanje sa Planom otplate kredita	Banka
4.	Potvrda da do momenta podnošenja prijave postoji uredna otplata kredita (treba da sadrži i sljedeće podatke: ime i prezime podnosioca prijave, JMBG, broj ugovora o namjenskom kreditu za stambeno zbrinjavanje, broj banke i broj partije podnosioca prijave)	Banka
5.	Izvod iz matične knjige vjenčanih	Nadležna općinska služba
6.	Izjava o postojanju vanbračne zajednice u periodu dužem od tri godine, ukoliko nema zajednički stečene djece, potvrđena od strane dva svjedoka	Ovjera izvršena od strane nadležne općinske službe ili notara

NAPOMENA: Dokumentaciju pod tačkom 3. i 4. Obavezne dokumentacije, podnosilac prijave predaje u neovjerenoj kopiji. Podnosioci prijave koji budu obuhvaćeni Programom raspodjele sredstava, dužni su u roku od tri dana tražene dokumente dostaviti u originalu ili ovjerenoj kopiji.

DOKUMENTACIJA ZA BODOVANJE PRIJAVE

Redni broj:	Naziv dokumenta	Nadležni organ/Institucija
1.	Dokaz o stručnoj spremi (Diploma, Uvjerenje, Svjedodžba)	Nadležna obrazovna ustanova <u>Napomena:</u> Ukoliko se radi o inostranoj obrazovnoj ispravi, podnosilac prijave obavezan je uz ovjerenu kopiju iste dostaviti i odgovarajuće rješenje o nostrifikaciji, odnosno stručnom priznavanju, izdato od strane nadležnog Ministarstva.
2.	Dokaz o školskim priznanjima (učenik generacije srednje škole, najviše priznanje univerziteta/Zlatna plaketa univerziteta)	Nadležna obrazovna ustanova
3.	Dokaz o postignutim uspjesima u oblasti nauke, umjetnosti, sporta i kulture	Sportski savez BiH ili granski sportski savez organizovan na nivou države, Akademija nauka i umjetnosti BiH, nadležna institucija koja je odobrila udžbenik za upotrebu u obrazovnim ustanovama. <u>Napomena:</u> Dokaz izdat od strane Sportskog saveza BiH ili granskog sportskog saveza organizovan na nivou države mora da sadrži podatke iz kojih se vidi da je 1, 2. ili 3. mjesto osvojeno na Olimpijskim ili Paraolimpijskim igrama, zvaničnim svjetskim ili evropskim prvenstvima organizovanim od strane krovnih međunarodnih asocijacija u odgovarajućoj oblasti sporta, odnosno da je 1, 2. ili 3. mjesto osvojeno na zvaničnim međunarodnim i državnim takmičenjima organizovanim od strane međunarodnih i državnih saveza članica Međunarodnog olimpijskog komiteta ili Sport Accorda.
4.	Za invalida, člana porodice šehida, poginulog, umrlog, nestalog branioca i umrlog ratnog invalida – rješenje o priznatom pravu na invalidninu	Nadležna služba boračko invalidske zaštite/Centar za socijalni rad
5.	Za dobitnika ratnog priznanja i odlikovanja – odgovarajuće Uvjerenje	Nadležni odjel odbrane ili organ koji je izdao priznanje
6.	Za demobilisanog branioca – Uvjerenje o plaćama pripadnika u OS ili drugo Uvjerenje koje izdaje nadležni odjel odbrane	Odjel odbrane
7.	Izjava – kućna lista	Ovjera izvršena od strane nadležne općinske službe
8.	Izjava o određivanju nosioca prijave (zajednička prijava)	